



Laura Táunâjik
Inatsisartuni ilaasortaq,
Maani/

§ 37 naapertorlugu apeqquteqaammut nr. 280, Tasiilami 2017-imi qilalukkat qernertassiissutit tunngasumut akissuteqaat

Inatsisartut suleriaasissaanni § 37-mi imm. 1 malillugu Tasiilami qilalukkat qernertassiissutit pillugit apeqquteqaateqarputit. Apeqqut uanga suliassaqaqfigisannit akineqartussanngorlugu innersuunneqarpoq.

1-mut) Ukioq 2017-miit qilaluartassat agguarneqarneranni suna tunngaviua pisassat Tasiilami nunaqarfiinilu 18-niinnaaqittut?

2-mut) Sooq pisassat ilaqqinneqanngillat?

Erseqqissaatigineqassaaq Tasiilami qilalukkat qernertartassiissutit 18-iunngimmata, kisiannili 40-llutik, taakkunannga 24 politikkikkut ilassutit taavalu 16-it uumassusilerinikkut siunnersuineq nutaajunerpaaq naapertorlugu.

Naalakkersuisut decembari 22-ani 2016 ataatsimiinneranni akuerineqarpoq Tasiilami politikkikkut aalajangiinikkut qilalukkat qernertat pisassiissutit 24-inik ilaneqassasut, taamaasilluni Tasiilami qernertartassat 40-nngorlutik, aamma qernertartassat Ittoqqortoormiunut 8-nik ilaneqassasut, taamaasilluni qernertartassiissutit 58-nngorlutik. Naalakkersuisooqatigiit isumaqatigiissutaat naapertorlugu nunatsinni avinngarusimasuni pisariaqartitsineq naapertorlugu pisassiinissaq innersuutigineqarpoq. Tamanna isumaqarpoq Tunumi qilalukkat qernertartassiissutit katillugit 98-ssasut. Kingumut qiviassangaanni Tasiilami qilalukkat qernertat 20-it missaaniinnaq pisarineqartarsimapput, aamma killilersuisoqanngikkallarmat.

Kalaallit-canada-miut ataatsimoortumik qilalukkat qaqortat qernertallu pillugit ataatsimiititaliarsuaannit, *Joint Commission on Conservation and Management of Beluga and Narwhal* (JCNB) 2015-imi inassutigineqarnikuvoq Tunumi qilalukkat qernertat piaarnerpaamik nalliiiffigineqassasut, timmisartoq atorlugu kisitsisoqartariaqartoq, tassa 2008-imi kisitsisimaneq kisiartaasoq pisoqalereersimammat. Kisitsinikkut inernerit, taamaalillunilu siunnersuinerit nutaat akuttoraluttuinnartillugit mianersornissamik tunngavissat tunngavigalugit piniartoqarnissaa eqqarsaatigalugu pisassiissutinik ikinnerusunik siunnersuisoqartarmat. Tunumut uumassusilerisunit siunnersuineri qilalukkat qernertat pisassiissutissat annertuumik ikilliriffiusimavoq, tamanna nassuiarneqarpoq maannakkut Tunumi qilalukkat qernertaqatigiit qanoq inissisimanerannik takutitsisumik paasissutissanik tunngavigineqartunik tatiginartunik peqartoqanngimmat, aasaq 2016-imi misissuisoqarsimagaluartoq, sulii misissuinerup inernerit naammassineqanngillat.

3-mut) Pisassat nungunneqarpata qinnuteqartoqaqqinnikkut pisassanik tunisisoqaqqissinnaava?

23-12-2016
Suliap normua 2016-19775
Allakkat nr. 4214347

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apn@nanoq.gl
www.naalakkersuisut.gl

Naalakkersuisut maanna qilalukkanik qernertartassanik immikkut pisassiisoqaqqinnis-
saanik pilersaaruteqanngillat, politikikkut aalajangiinikkut 32-nik immikkut pias-
seeqqinneq naammattussatut nalilerneqarmat.

*4-mut) Aasaq Augustimi qilalukkanik kisitsisoqarnikuuvoq, kisitsinerit inernerit qaqugu
saqqummiunneqassappat?*

Pinngortitaleriffik Tunup sineriaa atuarlugu augusti 2016-imi, qilalukkat qaqortat
qernertallu katitigaanerat, taakkua amerlassusaat kiisalu ingerlaartarnerat naliler-
sorsinnaajumallugu timmisartumik kisitsineq nalunaaqutsersuinerlu ingerlassimavaat.
Kisitsinernit taakkunannga inaarutaasumik siunnersuuteqarneq qaqagorpiaq Naalakker-
suisunut saqqummiunneqarumaarnersoq piffissami matumani APN-ip oqaatigisinnaan-
ngilaa. Siusinnerpaamilli 2018-imi nutaamik inassuteqaateqarnissaq naatsorsuutaavoq,
misissuinermi inernerit sukumiisumik misissorneqartussaammata akuerineqarlutillu At-
lantikup Avannaani Miluumasut Imarmiut pillugit Kommissionip (NAMMCO-p) Iisimatu-
ussutsikkut Ataatsimiititaliaani aamma NAMMCO-mi Siunnersuisoqatigiinni
suliarineqaqqaartussaammata, suleriaatsit atuuttut malillugit.

Inussiarnersumik inuulluaqqusillunga

Hans Enoksen